

ইন্টারনেটকে বলা হয় তথ্যের মহাসাগর। বলা হয় আধুনিক সভ্যতার ধারক ও বাহক। তা সত্ত্বেও অনেক ব্যবহারকারীর কাছে ইন্টারনেট হলো এক আতঙ্কময় ক্ষেত্র, এমনকি তাদের বাসায় শিশু-কিশোর বয়সী সন্তান না থাকলেও। কিন্তু যাদের বাসায় শিশু-কিশোর বয়সী সন্তান রয়েছে, সেসব অভিভাবক কি ভয়ে আতঙ্কিত হয়ে তথ্যের মহাসাগর থেকে সরে আসবেন? অর্থাৎ বাসায় ইন্টারনেট ব্যবহার করা বন্ধ করে দেবেন? আর যদি তাই হয়, তবে সেটা হবে মাথাব্যথার ভয়ের, মাথা কেটে ফেলার মতো ব্যাপার।



মাইক্রোসফট সবসময় তার ব্যবহারকারীদের প্রতি যত্নশীল এবং তাদের চাহিদার প্রতি মনোযোগী। তাই মাইক্রোসফট উইন্ডোজ ১০ ও উইন্ডোজ ৮-এ সম্পৃক্ত করে একটি শক্তিশালী বিল্টইন প্যারেন্টাল কন্ট্রোল ফিচার। এ ফিচার ব্যবহার করে আপনি ট্র্যাক করতে পারবেন আপনার শিশুসন্তানের অনলাইন অ্যাক্টিভিটিকে, মাল্টিপল ডিভাইস জুড়ে তাদের স্ক্রিন টাইম সীমিত করতে পারবেন এবং নিবৃত্ত করতে পারবেন অন্যান্য অনাকাঙ্ক্ষিত কাজ করা থেকে। এ কাজটি করতে পারবেন উইন্ডোজের প্যারেন্টাল কন্ট্রোল ফিচার ব্যবহার করে।

উইন্ডোজ ১০-এ প্যারেন্টাল কন্ট্রোল ফিচার সেটআপ করতে চাইলে পরিবারের প্রতিটি সদস্যের থাকতে হবে নিজস্ব মাইক্রোসফট অ্যাকাউন্ট এবং পার্সোনাল লগইন। প্রথমেই দেখা যাক, উইন্ডোজ ১০ পিসিতে যেভাবে পরিবারের সদস্যদের (প্রাপ্তবয়স্ক যারা শিশুদের অ্যাকাউন্ট দেখতে এবং ম্যানেজ করতে পারবেন) যুক্ত করতে পারবেন।

আপনার পরিবারের প্রতিটি সদস্যের নিজস্ব অ্যাকাউন্ট এবং পার্সোনাল লগইন সেটআপ করার পর প্রাপ্তবয়স্করা শিশুদের অ্যাকাউন্ট দেখতে এবং ম্যানেজ করতে পারবেন। এজন্য Settings মেনু ওপেন করে যেতে হবে Accounts → Family & other people-এ এবং এরপর Manage family settings online-এ ক্লিক করতে হবে। এই লিঙ্ক আপনাকে নিয়ে যাবে মাইক্রোসফটের ওয়েবসাইটে।

মাইক্রোসফট অ্যাকাউন্ট অপশনের Family সেকশনে আপনি আপনার পরিবার, শিশু এবং প্রাপ্তবয়স্কদের একটি ওভারভিউ দেখতে পারবেন। প্রতিটি চাইল্ড তথা শিশু অ্যাকাউন্টের পাশে আপনি অপশন এবং সেটিংয়ের একটি লিস্ট যেমন দেখতে পারবেন, তেমনি দেখতে পারবেন একটি অ্যাকাউন্টে টাকা যোগ করার অপশন, যাতে আপনার শিশুরা অ্যাপস কিনতে পারে এবং উইন্ডোজ স্টোর থেকে আপগ্রুড হতে পারে। আপনি শিশুদের অ্যাকাউন্টের জন্য যে সীমা সেট করবেন, তা শুধু বর্তমানে ব্যবহৃত ডিভাইসের জন্যই কাজ করবে না বরং মাইক্রোসফট লগইন ব্যবহার হওয়া সব ডিভাইসে অ্যাপ্লাই হবে।

যদি আপনি প্যারেন্টাল কন্ট্রোল ব্যবহার করতে চান, তাহলে আপনাকে ম্যানুয়ালি সবকিছু সেট করতে হতে পারে। এ জন্য অ্যাক্টিভিটি রিপোর্টিং, স্ক্রিন টাইম লিমিট এবং ওয়েবসাইট ব্লকিং ইত্যাদি বাইন্ডিফল্ট বন্ধ রাখতে হবে।



উইন্ডোজ ১০ পিসিতে পরিবারের সদস্যদের যুক্ত করা

অ্যাক্টিভিটি ট্র্যাকিং

অ্যাক্টিভিটি ট্র্যাকিং সক্রিয় করার জন্য চাইল্ড অ্যাকাউন্টের পাশে Check recent activity-এ ক্লিক করুন এবং Activity reporting-কে সক্রিয় করুন। এর ফলে জানতে পারবেন আপনার শিশু ইন্টারনেট এক্সপ্লোরারে বা এজ ব্রাউজারে কোন কোন ওয়েবসাইটে ভিজিট করেছিল। দেখতে পারবেন আপনার শিশু কোন অ্যাপস এবং গেম ব্যবহার করেছে, যখন সেগুলো লগইন হয় এবং আপনার সন্তান তাদের ডিভাইসের সাথে পার্সোনাল লগইন ব্যবহার করে কত সময় ব্যয় করেছে তা ট্র্যাক করতে পারবেন।



উইন্ডোজ ১০-এ অ্যাক্টিভিটি ট্র্যাকিং

অ্যাক্টিভিটি ট্র্যাকিং ব্লক করে InPrivate Browsing অপশন, যাতে আপনার শিশু গোপনে ওয়েব ব্রাউজ করতে না পারে, তবে এটি যেমন ব্লক করতে পারে না, তেমনি এটি ট্র্যাক করে না অন্যান্য ওয়েব ব্রাউজার যেমন- গুগল ক্রোম অথবা মজিলা ফায়ারফক্স ওয়েব ব্রাউজার। যদি আপনি নিশ্চিত করতে চান যে, আপনার শিশু শুধু ইন্টারনেট এক্সপ্লোরার অথবা এজ ব্যবহার করতে পারবে, তাহলে আপনাকে Apps, games &

media সেকশনে অন্যান্য ওয়েব ব্রাউজারকে ম্যানুয়ালি ব্লক করতে হবে।

ওয়েব ব্রাউজিং

আপনার শিশু যাতে বেমানান ওয়েবসাইটগুলো ভিউ করতে অথবা কনটেন্ট সার্চ করতে না পারে, সে জন্য ওয়েবসাইট ব্লকিং ফিচার সক্রিয় করুন তাদের অ্যাকাউন্টের পাশে More-এ ক্লিক করে। এবার Web browsing-এ ক্লিক করে Block inappropriate websites অপশনকে সক্রিয় করুন। এটি প্রাপ্তবয়স্কদের কনটেন্ট ব্লক করে এবং ইন্টারনেট এক্সপ্লোরার বা এজ ব্রাউজারে SafeSearch সক্রিয় করে।



বেমানান ওয়েবসাইটগুলো ব্লক করা

যদি নিশ্চিত করতে চান, নির্দিষ্ট কিছু ওয়েবসাইট সবসময় ব্লক থাকে তাদের কনটেন্ট যাই হোক না কেন, তা বিবেচ্য বিষয় নয়। তাহলে ওই ওয়েবসাইটকে Always block these লিস্টে যুক্ত করতে পারবেন। আপনি ইচ্ছে করলে ওয়েবসাইট যুক্ত করতে পারবেন Always allow these লিস্টে এবং এমনকি সেটআপ করতে পারবেন কন্ট্রোল, যাতে আপনার শিশু ওই লিস্টের ওয়েবসাইটই শুধু দেখতে পারবে বা ভিজিট করতে পারবে। এ কাজটি করার জন্য Only see websites on the allowed list বক্স চেক করুন।

লক্ষণীয়, ওয়েবসাইট ব্লকিং ফিচারটি ইন্টারনেট এক্সপ্লোরার এবং এজে শুধু কাজ করবে। যদি আপনার শিশুকে অন্যান্য ব্রাউজার ব্যবহার করার সুযোগ দেন, তাহলে এ সেটিং ব্রাউজারে তেমন কোনো প্রভাব ফেলবে না।

অ্যাপস, গেমস ও মিডিয়া

অ্যাপস, গেমস ও মিডিয়ায় অ্যাক্সেসকে সীমিত করার জন্য আপনার চাইল্ড অ্যাকাউন্টের পাশে More বাটনে ক্লিক করে Apps, games &



বেমানান অ্যাপস, গেমস ও মিডিয়া ব্লক করা



স্ক্রিন টাইম সেট করা



পারচেজ অ্যান্ড স্পেন্ডিং ফিচার



আপনার শিশুর ডিভাইসের লোকেশন দেখা

media-এ ক্লিক করুন এবং Block inappropriate apps and games অপশন সক্রিয় করুন। বাইডিফল্ট মাইক্রোসফট সব চাইল্ড অ্যাকাউন্ট থেকে প্রাপ্তবয়স্কদের মুক্তি এবং গেম ব্লক করে দেয়। তবে এ সেটিং আপনাকে সুযোগ দেবে অ্যাপস এবং গেমসকে বয়স (৩ থেকে ২০ বছর পর্যন্ত) অনুযায়ী সীমাবদ্ধ করতে। আপনি ইচ্ছে করলে সুনির্দিষ্ট অ্যাপস এবং গেমস ব্লক করে দিতে পারেন যথোচিত বয়স গুরুত্ব না দিয়ে।

স্ক্রিন টাইম

এমন অনেক অভিভাবক আছেন, যারা তাদের শিশু সন্তানদের স্ক্রিনিং সময় সীমাবদ্ধ করতে চান। উইন্ডোজের প্যারেন্টাল কন্ট্রোল ফিচার ব্যবহার করে এ কাজটি খুব সহজেই সম্পন্ন করা যায়। এ কাজটি করার জন্য চাইল্ড অ্যাকাউন্টের পাশে Screen time-এ ক্লিক করুন এবং Set limits for when my child can use devices অপশন অন করুন।

আপনি শিশুদের জন্য স্ক্রিন টাইম সীমিত করতে পারবেন ভিন্ন ভিন্ন ভাবে। আপনি ইচ্ছে করলে অ্যাক্টিভ ঘণ্টা (যেমন- সকাল ৭টা থেকে ১০টা পর্যন্ত) সেট করতে পারবেন অথবা সপ্তাহের নির্দিষ্ট কয়েকটি দিনের জন্য অ্যাক্সেসকে সম্পূর্ণরূপে ব্লক করে দিতে পারবেন। আপনি ইচ্ছে করলে প্রতি দিনের জন্য মোট সময়সীমা সেট করে দিতে পারবেন। এই সময়সীমার রেঞ্জ হতে পারে ৩০ মিনিট থেকে শুরু করে ১২ ঘণ্টা পর্যন্ত (৩০ মিনিট পর বৃদ্ধি পাবে) এবং এ ক্ষেত্রে অ্যাক্সেসকে পুরোপুরি ব্লক করার অথবা আনলিমিটেড অ্যাক্সেস অনুমোদনের অপশনও পাবেন। স্ক্রিন টাইম আপনার শিশুর অ্যাকাউন্ট নিয়ন্ত্রক, এটি নির্দিষ্ট কোনো ডিভাইসের জন্য নয়। সুতরাং আপনার শিশু গুপ্ত বরাদ্দ করা সময়ে তার অ্যাকাউন্টে লগইন করতে পারবে, যে সময়টি আপনি সেট করেছেন।

পারচেজ অ্যান্ড স্পেন্ডিং

শিশুদের অ্যাকাউন্টকে সরাসরি আর্থিক (Money) যেমন- ক্রেডিট কার্ড অথবা ডেবিট কার্ড অ্যাকাউন্টের সাথে লিঙ্ক করা যাবে না। যদি আপনি চান, আপনার শিশুসন্তান অ্যাপস, গেমস ও মিডিয়া কিনতে পারবে, তাহলে আপনার দরকার হবে তাদের অ্যাকাউন্টে টাকা যোগ করা।

আপনার শিশুসন্তান কী কিনছে তার জন্য টাকা বা চেক যোগ করার জন্য অ্যাকাউন্ট নেমের পাশে Purchase & spending-এ ক্লিক করুন। তাদের অ্যাকাউন্টে ১০ থেকে ১০০ ডলার পর্যন্ত যোগ

করা যায় Add money to their account-এ ক্লিক করে।

ফাইন্ড ইউর চাইল্ড

যদি আপনার শিশুসন্তানের কাছে একটি উইন্ডোজ ১০ মোবাইল ডিভাইস থাকে, যেমন- ফোন অথবা একটি ট্যাবলেট, তাহলে আপনি তাদের ডিভাইসের লোকেশন ট্র্যাক করতে পারবেন Find your child অপশন ব্যবহার করে। এ ফিচারকে সক্রিয় করতে চাইলে আপনার শিশুর জন্য প্রথমেই দরকার হবে মোবাইল ডিভাইসের জন্য সাইন করা (এ ফিচারকে আপনি নন-মোবাইল ডিভাইস থেকে সক্রিয় করতে পারবেন না)। এরপর More → Find [child] on a map-এ ক্লিক করে Show the location of your child's device অপশনকে সক্রিয় করুন [ক্লিক](#)

ফিডব্যাক : mahmood_sw@yahoo.com

এই সময়ের সেরা প্রিন্টারের বৈশিষ্ট্য

(৬১ পৃষ্ঠার পর)

অ্যাক্সেস পয়েন্ট থাকে, তাহলে আপনি ওই নেটওয়ার্কের যেকোনো প্রিন্টারে ওয়্যারলেসে প্রিন্ট করতে পারেন। এ ক্ষেত্রে এটা কোনো বিবেচনার বিষয় নয়- প্রিন্টার নিজেই কোনো ওয়্যারলেস সংযোগ সুবিধা দেয় কি না। যেসব প্রিন্টার্স ওয়াইফাই ডিরেক্ট বা তার সমতুল্য সমর্থন করে, এরা সরাসরি বেশিরভাগ ওয়াইফাই সক্রিয় ডিভাইসের সাথে সংযোগ স্থাপন করতে পারে। এ ক্ষেত্রে আপনার কমপিউটার ওয়াইফাই ডিরেক্ট সমর্থন না করলেও চলবে।

প্রিন্টিং গতি

আপনি যা কিছু প্রিন্ট করবেন তা যদি এক বা দুই পৃষ্ঠা দীর্ঘ হয়, তাহলে আপনার সম্ভবত একটি ফাস্ট প্রিন্টার প্রয়োজন হবে না। যদি আপনি দীর্ঘ এবং সংখ্যায় বেশি ডকুমেন্ট প্রতিনিয়তই প্রিন্ট করতে চান, তাহলে আপনার প্রিন্টিং আউটপুটের জন্য গতি বেশ গুরুত্বপূর্ণ একটি বিষয়। অর্থাৎ আপনাকে একটি বেশি গতিসম্পন্ন লেজার প্রিন্টার বেছে নিতে হবে। একটি নিয়ম হিসেবেই লেজার প্রিন্টার টেক্সট ফাইল প্রিন্ট করার ক্ষেত্রে তার চাহিদার গতির কাছাকাছি গতিতে কাজ করে। প্রিন্টিংয়ের জন্য এরা খুব বেশি প্রক্রিয়াকরণের সময় নেয় না। অনেক সময় আবার দেখা যায় ইঙ্কজেট প্রিন্টার তারচেয়ে বেশি ব্যয়বহুল লেজার প্রিন্টারের চেয়ে দ্রুত গতিসম্পন্ন হিসেবে দাবি করে, কিন্তু কার্যত তা ঘটবে না।

কী পরিমাণ প্রিন্টিং কাজ করতে হবে?

আপনি যদি দিনে মাত্র কয়েক পেজ প্রিন্ট করেন, তাহলে একটি প্রিন্টার কি পরিমাণ ডকুমেন্ট বা কনটেন্ট প্রিন্ট করার জন্য ডিজাইন করা হয়েছে, সে সম্পর্কে চিন্তা না করলেও চলবে। আর যদি প্রিন্টারের ক্ষমতার বাইরে বেশি পরিমাণ নিয়মিতভাবেই প্রিন্ট করতে থাকেন, তাহলে সেটি প্রিন্টারের জন্য বাড়তি চাপ হিসেবে কাজ করবে। তবে একটি প্রিন্টারের স্পেসিফিকেশনের মধ্যে যদি এই তথ্য (অর্থাৎ সর্বোচ্চ কী পরিমাণ প্রিন্টিং লোড নিতে পারবে) অন্তর্ভুক্ত না থাকে, তাহলে সে প্রিন্টার না কেনাই ভালো। এ ছাড়া প্রিন্টার সর্বনিম্ন ও সর্বোচ্চ যে সাইজের কাগজে প্রিন্ট করতে সক্ষম, তা বিবেচনায় আনতে হবে। এ ছাড়া কাগজের উভয় পৃষ্ঠায় প্রিন্ট করার জন্য ডুপ্লেক্সার প্রয়োজন কি না সে বিষয়টিও আপনাকে চিন্তা করে দেখতে হবে।

একটি ভালো মানের প্রিন্টারের অনেকগুলো বৈশিষ্ট্য থাকে। সময়ের সাথে সাথে এই বৈশিষ্ট্যগুলো পরিবর্তন বা আপডেট হতে থাকে। এখানে এসব বৈশিষ্ট্যের মধ্য থেকে কয়েকটি নিয়ে আলোচনা করা হলো। লেজার বা ইঙ্কজেট যে ধরনের প্রিন্টার হোক না কেন, একটি ভালো প্রিন্টার কেনার জন্য এসব বৈশিষ্ট্য আপনাকে সাহায্য করতে পারে [ক্লিক](#)

ফিডব্যাক : kazisham@yahoo.com